

ԺՈՂՈՎՐԴԱԿԱՆ ԸՆԹԵՐԳԱՆՈՒԹԻՒՆԸ ԳԻՒՂՈՒՄ

ՄՈԳԱԿԱՆ ԼԱՊՏԵՐՈՎ

ՆԿԱՏՈՂՈՒԹԻՒՆ: Ժողովրդական ընթերցանութեան գործը մեզ մօտ միայն փորձերի շրջանի մէջն է և շատ նոր է: Մի քանի տեղերում միայն ծխական ուսումնարանների ուսուցիչները, ըմբռնած լինելով գործի օգտակարութիւնը, այս վերջին երկու տարիներում փորձ են փորձել ժողովրդական դաստիարակութիւններ կարդալ հասարակութեան առաջ շատ թէ քիչ սխտեմական կերպով, բայց ոչ կանոնադրապէս ամեն տարի: Կարծիք կազմելու համար մեզ մօտ մինչ այժմ կարդացած ժողովրդական դաստիարակութիւնների բովանդակութեան մասին, պէտք է առնազը ձեռքի տակ ունենալ այդ դաստիարակութիւնները: Մեր ձեռքը հասած են այդպիսի դաստիարակութիւններից միայն մի երեք հատ, որոնց առիթով մենք կ'աշխատենք մի քանի խօսք ասել մի այլ անդամ: Այժմ մենք ուզում ենք յիշեցնել միայն, որ այդ փորձերի մասին մենք առիթ ենք ունեցել մի անգամ արդէն յիշատակելու (սես «Մուրճ» 1890 թ. № 5, Ամսլայ քրոնիկ), յայտնելով միաժամանակ թէ ինչ փորձեր են արւել Ռուսիայում այդ գործի նկատմամբ: Ռուսիայում, ասում էինք մենք, եկել են այն եզրակացութեան որ ժողովրդին, մանաւանդ անգրագէտ ժողովրդին, աւելի հասկանալի լինելու համար, աւելի օգտակար են ժողովրդական ընթերցումներ՝ սուերի տեսարաններով (публичныя народныя чтенія съ туманными картинами, նոյն յօդած, երես 755): Սուերի տեսարանները ստացւում են մի գործիքի միջոցով որ մոգական լապտեր է կոչւում: Ի նկատի առնելով գործի նորութիւնը և այն յոյսերը որ կապում ենք մենք ժողովրդական ընթերցանութեան գործի զարգացման հետ, ուրախութեամբ

տեղ ենք տալիս ուսսաց «Նեպչէլիա» շաբաթաթերթի ներկայ յօդաածին ¹⁾, որի թարգմանութիւնը պատկանում է «Մուրճ»-ի աշխատակից Ե-ին:

Ա. Ա.

Խուլ աշուն է: Երկինքը մոխրագոյն է և տեղուն: Սկսում է մթնանալ: Փոքրիկ և աղքատիկ գիւղի ծալրին մարդիկ են հաւաքւած: Դրանց մեծ մասը մանուկներ ու դեռահաս երիտասարդներ են: Մուած ցանկապատի մօտ մի ինչ որ բանի մասին վիճում է գիւղացիների մի խումբ: Թումբի վրայ նստած են գոլնչգոյն հագուստներով կանաչ (օրը տօն էր): Ետան առաջ, սանդուխքների վրայ տեղաւորւել են երկու ծերուկ: Կանաչք երգում են, ճչող ձաւներ հանելով: Մանուկները խաղում են: Հեռու, ճանապարհին, այնտեղ, ուր նա ծուռում է դէպի անտառին, երևում է տղալոց մի խումբ, որոնք «գնացել են լապտերը հանդիպելու»: Եթէ դուք հարցնէք, աղբ ինչ «լապտեր» է, ձեզ կը պատասխանեն, թէ «կա մի ալնպիսի հրաշալի լապտեր, որը իրանից մեծ լոյս է տալիս և կտաւի վրայ փոքրիկ պատկերից մեծն է հանում: զարմանալու մի բան է»:

Լապտեր գալը գիւղի համար մի նշանաւոր անցք է: Դաշտալին պարապմունքները վաղուց աւարտւել են, շտապելու գործ չկալ, գիւղացիները բաւականի աղատ ժամանակ ունեն, լինում են տաղտկալի ժամեր: Աշնանալին և ձմերալին այս ժամանակը գրքի սիրահարների թիւը բազմանում է: Մեր գաւառում այս միջոցին սակաւ կարելի է գիւղ հանդիպել, ուր այս կամ այն խրճիթում ընթերցումներ չը լինեն սարքում: հաւաքւում են գրագէտները, հաւաքւում են անգրագէտները: Ճրագին մօտենում է գրագէտներից մէկը, լաճախ մի որեւից փոքրիկ աշակերտ: Վարժ չէ կարգում ընթերցողը, բայց ինչ հետաքրքրութեամբ են նրան լսում: Իսկ եթէ գիրքն էլ հետաքրքիր է, լսել ցանկացողներից անկարելի է աղատուել, և գիրքը անցնում է խրճիթից խրճիթ:

Այս ընթերցումները առաջ են գալիս նույնպէս լնքնաբերաբար, ինչպէս և գրագիտութեան ուսումնարանները: Պահանջ է առաջ եկել— և ժողովուրդը նրան բաւականութիւն է տալիս, որքան կարող է, թէև նւազ, բայց իւր միջոցներով: Չը վախենալով չափազանցութիւնից, մենք կարող ենք ասել, որ ինչտեղ կան գրագէտներ, այնտեղ կազմւում են աղղպիսի գրականական երեկոյթներ, ընթերցումներ և նոյն իսկ գրականական շրջան:

¹⁾ Нечѣя 1891 г. № 7.